



# education

Department:  
Education  
REPUBLIC OF SOUTH AFRICA

## NATIONAL SENIOR CERTIFICATE

IBANGA LE-12

ISIXHOSA ULWIMI LOKUQALA OLONGEZELELWEYO (FAL)

IPHEPHA LESITHATHU (P3)

NOVEMBA 2008

AMANQAKU: 100

IXESHA: 2 ½ iiyure

Olu viwo lunamaphepha asi-8.

### **IMIYALELO EYA KUBAFUNDI**

1. Abafundi kulindeleke ukuba baphendule umbuzo OMNYE kwiCandelo ngalinye.
2. ICandelo ngalinye malibhalwe kwiphepha elitsha, uze ukrwele umgca wakugqiba iCandelo elo.
3. Bhala cacileyo nacocekileyo, ucwangcise kakuhle umsebenzi wakho.
4. Nika ingqalelo eyodwa kupelo lwamagama kunye nolwakhiwo lwezivakalisi.
5. **UBUDE BEEMPENDULO:**

ICANDELO A: Isincoko – Bhala isincoko esili-190 – 240 amagama (iphepha elinye)

ICANDELO B: Imihlathana emide – Bhala ama-80 – 100 amagama (isiqingatha sephepha)

ICANDELO C: Imihlathana emifutshane – Bhala ama-60 – 80 amagama (isiqingatha sephepha)

## ICANDELO A: ISINCOKO

### UMBUZO 1

Khetha isihloko sibe siNYE esiva wena kwezi zilandelayo. Bhala amagama ali-190 ukuya kuma-240.

- 1.1 Abanye abantu banoluvo lokuba ubu-Afrika buthetha ubumnyama ngebala nokuba yinzalelwane yase-Afrika. **Chaza** kucace nakusana olusebeleni ukuba ngokwezakho izimvo ngubani um-Afrika wenene. Isihloko sesi sincoko sakho uza kusinika ngokwakho.

[50]

#### OKANYE

- 1.2 Kwabanye abantu imfundo yaseMzantsi Afrika ikumgangatho ongancumisiyo kwaphela, elixa abanye bekholelwa ukuba kukhona ikwizinga eliphezulu ngoku. **Gxeka uncoma** ubume bemfundo yethu, **uvelele** zonke iinkalo ngokwahlukana kwazo, **uqamele** ngezimvo eziphathekayo, wandule **udandalazise** elubala olwakho uluvo malunga nesi sihloko. Luxanduva lwakho ukunika isihloko esiyolisa umxhelo wakho malunga nesi sincoko.

[50]


#### OKANYE

- 1.3 **Balisa** malunga nesiganeko esibi okanye esihle esakwehlelayo satsho saguqula ubomi bakho. Isincoko sakho siphela ngamazwi athi, 'Kakade le nto ingumntu ngumntu ngabanye abantu'. Isihloko sesincoko sakho sinikwa nguwe.

[50]

#### OKANYE


- 1.4 **Xoxa** kuvokothেকে malunga neempembelelo kunye nefuthe lomculo we-kwaito okanye umculo wenkolo yobuKrestu (iGospeli) kulutsha ngokubanzi ingakumbi ulutsha lwendawo ohlala kuyo.



[50]

**OKANYE**

- 1.5 Kubomi besininzi soluntu jikelele, amasiko nezithethe adlala indima enkulu. **Dandalazisa** izimvo zakho ngokubhekisele kulo mfanekiso ungezantsi malunga namanyathelo anokuthatyathwa ukuvuselela ukubaluleka nokuxabiseka kwamasiko nezithethe kulutsha.



[50]

AMANQAKU ECANDELO A: 50


## ICANDELO B: IMIHLATHANA EMIDE

### UMBUZO 2

**Chonga** umhlathana omde ube MNYE kuphela. **Bhala** ama-80 – 100 amagama (umxholo kuphela). Wubhale kwiphepha elitsha umhlathana lowo.

- 2.1 Kutshanje abasebenzi bakaRhulumente kuquka ootitshala bebetshijila betshikilele umsebenzi, bedyusha ezitratweni bevuma amagwijo enkululeko befuna ukunyuselwa imivuzo ngumqeshi onguRhulumente. Ngokwalo mfanekiso abafundi bashiyeke bengenanto yakwenza ezikolweni beziintsizana ezingenazititshala zokubafundisa.

**Bhala incoko** yababini eshushu phakathi komfundi weBanga 12 ochatshazelwe lolu gwayimbo notitshala ofundisa eli Banga obegwayimbile.



[30]

OKANYE

- 2.2 **Bhala ileta** eya kumhleli wephaphandaba malunga nokuphathwa kakubi kwezilwanyana ingakumbi izinja kwingingqi ohlala kuyo.



[30]

**OKANYE**

- 2.3 Iitshomi zakho ofunda nazo zisandula kukutyelela ngexesha ubulaliswe esibhedlele emva kwengozi ehlasimlisa umzimba obubandakanyeke kuyo.

Ngoku sele uchachile ngokupheleleyo, **zibhalele ileta** iitshomi ezo zakho **uvakalise** amazwi ombulelo ngesenzo sazo esihle kangaka, **uzixelele** nokuba uphile qete ngoku.

[30]

**OKANYE**

- 2.4 Abantakwenu bakucelile ukuba wenze udlwabevu lwentetho kwitheko lokuvuyisana nabazali benu abagqibe amashumi amathathu eminyaka betshatile. Ungatyatyadula uthini?

**Bhala intetho** yakho emnandi yokuvuyisana nabazali benu ngale mpumelelo ingaka.

[30]

**AMANQAKU ECANDELO B: 30**

## ICANDELO C: IMIHLATHANA EMIFUTSHANE

### UMBUZO 3

Bhala umhlathana ube MNYE kweli Candelo. Umhlathana lowo ube ngamagama angama-60 – 80. Wubhale kwiphepha elitsha umhlathana lowo.

- 3.1 Umhlobo wakho uwele iilwandlekazi waya kufunda phesheya phantsi kwenkqubo yotshintshiselwano ngabafundi, **mbhalele iPowustikhadi, umxelele** ngeziganeko zakutshanje eziqhubekayo kwilizwe lakhe lokuzalwa. [20]

#### OKANYE

- 3.2 Ukukhawulelana neendleko zokuphila, abazali bakho baxoze mphini wumbi ngokuzithengela *ikhonteyina* yeefowuni ngethemba lokwenza inzuzo.

Dlala nawe eyakho indima ukuncedisana nabo ngokuthi **uyile isibhengezo-ntengiso** esinomtsalane esibhalwe ngesiXhosa esisulungekileyo ukuloba abathengi abatsha. [20]

#### OKANYE

- 3.3 Ungumququzeleli ophambili notsha ziintambo wokhuphiswano lwengxoxo-mpikiswano phakathi kwezikolo zenu, ingxaki yile yokuba akukwazi kuphumelela ngosuku lokhuphiswano.

**Bhalela** uSekela-mququzeleli umnike yonke **imiyalelo** ekufuneka ilandelwe ngolu suku kwaye uyenze icace gca ilandeleke ngokulula. [20]

**AMANQAKU ECANDELO C: 20**

**AMANQAKU EWONKE: 100**